

ZAKON O VISINI STOPE ZATEZNE KAMATE NA NEIZMIRENA DUGOVANJA

NESLUŽBENI PREČIŠĆENI TEKST¹
("Službene novine FBiH", br. 56/04, 68/04, 29/05, 48/11 i 73/19)

Član 1.

Ovim Zakonom propisuje se način obračuna zateznih kamata po neizmirenim dugovanjima na osnovu ugovora iz dužničko-povjerilačkih odnosa i dugovanja nastalih na osnovu naknade štete iz osnove obaveznih osiguranja u periodu od 01.12.1989. godine do stupanja na snagu "Zakona o izmjenama i dopunama Zakona o visini stope zatezne kamate ("Službene novine Federacije BiH", broj 51/01).

Član 2.

Na iznos duga iz člana 1. ovoga Zakona, nastalog na osnovu dužničko-povjerilačkih odnosa na teritoriju Federacije Bosne i Hercegovine, plaća se zatezna kamata po stopi od 12% godišnje.

~~Zatezna kamata iz stava 1. ovoga člana neće se obračunavati za period ratnog stanja od 18.09.1991. godine do 23.11.1995. godine.~~

~~Izuzetno od odredbi iz st. 1. i 2. ovoga člana, na iznos naknade štete (glavnica) određene izvršnim ispravama (sudske presude i sudska poravnanja) i vansudska poravnanja iz osnova osiguranja definisanog Zakonom o osiguranju imovine i lica ("Službene novine Federacije BiH", br. 2/95 i 6/98) za period od 18.09.1991. godine do 23.12.1996. godine, plaća se zatezna kamata po stopi od 0,5% godišnje.²~~

Član 3.

Obračun zateznih kamata iz člana 1. ovoga Zakona obavlja se primjenom metoda prostoga kamatnog računa za godišnje periode, a konformnog kamatnog računa za ispodgodišnji period.

Obračun zatezne kamate po pravosnažnim sudskim rješenjima obavljaju komercijelne banke kod kojih dužnik ima otvorene transakcijske račune, uz naplatu provizije.

Član 4.

Postupci za utvrđivanje visine zatezne kamate iz člana 1. ovoga Zakona koji nisu okončani do dana stupanja na snagu ovoga Zakona ili su okončani a nisu obavljeni, okončat će se prema odredbama ovoga Zakona i kamatnoj stopi od 12% godišnje.

Član 5.

Ovaj Zakon stupa na snagu narednoga dana od dana objave u "Službenim novinama Federacije BiH".

¹ Legalist.ba objavljuje ovaj tekst u dobroj vjeri, smatrajući ga u trenutku objavljivanja ispravnom prečišćenom verzijom zakonskog teksta. Ali, autori i Legalist.ba ne jamče da je objavljena verzija prečišćenog teksta propisa pravno valjana, trenutno važeća ili pravodobno dopunjena i mijenjana, stoga Legalist.ba ne odgovara za štetne posljedice koje mogu nastupiti usljed preuzimanja i korištenja ovog neslužbenog prečišćenog teksta.

² U „Službenom glasniku BiH“, broj 73/19 od dana 01.11.2019 godine, objavljena je Odluka o dopustivosti i meritumu Ustavnog suda Bosne i Hercegovine, broj U 6/19 od dana 04.10.2019. godine, koja utvrđuje da odredbe člana 2. stav (2) i (3) ovog zakona nisu u saglasnosti sa Ustavom BiH i Protokolom 1 Evropske konvencije za zaštitu ljudskih prava i sloboda. Naveden odredbe zakona prestaju da važu 02.11.2019. godine.